

S A D R Ź A J B R O J A 2/09

Akti Općinskog vijeća

1.Odluka o utvrđivanju kriterija za dodjelu stipendija.....	3
2.Odluka o izmjeni i dopuni Odluke o sprovođenju Regulacionog plana Industrijske zone Lukavac sa programom uređenja	6
3.Izmjene i dopune Etičkog kodeksa izabranih zvaničnika općine Lukavac.....	8
4.Izmjene i dopune Poslovnika o radu Općinskog vijeća Lukavac	9
5.Rješenje o odbijanju zahtjeva za proglašenje ništavim Rješenja Skupštine opštine Lukavac broj 05/5-475-27/90 od 21.06.1990. godine	10

Akti Općinskog načelnika

1.Pravilnik o postupku direktnog sporazumijevanja sa pojedinačnim dobavljačem, davaocem usluga i izvođačem radova	12
2.Pravilnik o izmjeni pravilnika o nabavci roba, vršenju usluga i ustupanju radova.....	14



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-111/09

Lukavac, 03.03.2009. godine

Na osnovu člana 32. Statuta općine Lukavac – Prečišćeni tekst- („Službeni glasnik općine Lukavac“, broj: 5/08), člana 88. Poslovnika o radu Općinskog vijeća Lukavac („Službeni glasnik općine Lukavac“, broj: 5/06) i člana 28. Odluke o izvršenju budžeta općine Lukavac za 2009.godinu („Službeni glasnik općine Lukavac“, broj: 7/08) Općinsko vijeće Lukavac, na 6. redovnoj sjednici održanoj dana 27.02.2009. donijelo je

O D L U K U

o utvrđivanju kriterija za dodjelu stipendija

Član 1.

Ovom Odlukom utvrđuju se kriteriji za dodjelu stipendija učenicima srednjih škola i studentima sa područja općine Lukavac za budžetsku 2009. godinu, uslovi dodjele, broj i visina stipendija.

Član 2.

Putem Javnog konkursa, a prema uslovima i kriterijima utvrđenim ovom Odlukom, učenicima srednjih škola će biti dodijeljeno 19 stipendija, a studentima 23 stipendije kako slijedi: I godine studija 6 stipendija, II godine studija 5 stipendija, III godine studija 5 stipendija, IV godine studija 5 stipendija, V godine studija 1 stipendija i VI godine 1 stipendija - za školsku 2008/2009.godinu.

Član 3.

Visina stipendije iz člana 2. ove Odluke iznosi:

- za učenike srednjih škola - mjesečno 50,00 KM;
- za studente mjesečno - 100,00 KM.

Odobrena sredstva po ovoj Odluci isplatit će se korisnicima u skladu sa raspoloživim sredstvima u Budžetu.

Član 4.

Opšti uslovi za dodjelu stipendija za učenike srednjih škola i studente jesu da je kandidat:

- državljanin BiH
- da ima prebivalište na području općine Lukavac
- da je redovan učenik - student koji prvi put upisuje školsku godinu.

Član 5.

Kriteriji za dodjelu stipendija su:

- uspjeh u školi
- materijalni položaj
- socijalni status
- da nije korisnik stipendije po drugom osnovu ili studentskog kredita
- da u istoj porodici nema korisnika ove stipendije, osim učenika generacije

Član 6.

U skladu sa kriterijima iz člana 5. ove Odluke, bodovanje će se vršiti kako slijedi:

USPJEH U ŠKOLI

1. učenik generacije - 30 bodova;
2. za učenike prvih razreda srednjih škola koji su u osmom razredu ostvarili prosječnu ocjenu od najmanje 4,50 - bodovanje će se izvršiti množenjem prosječne ocjene sa koeficijentom 5;
3. za učenike drugih, trećih i četvrtih razreda srednjih škola koji su ostvarili prosječnu ocjenu od najmanje 4,00 u prethodnoj godini – bodovanje će se izvršiti množenjem prosječne ocjene sa koeficijentom 5;
4. za redovne studente koji prvi put upisuju prvu godinu - bodovanje će se izvršiti množenjem prosječne ocjene iz prethodne godine od najmanje 4,00, sa koeficijentom 5;
5. za redovne studente koji prvi put upisuju drugu i naredne godine studija a koji su ostvarili prosječnu ocjenu od najmanje 7,00 – bodovanje će se izvršiti množenjem prosječne ocjene sa koeficijentom 5.

MATERIJALNI POLOŽAJ:

- | | |
|--|-----------|
| 1. porodično domaćinstvo bez prihoda | 35 bodova |
| 2. do 100 KM po članu porodičnog domaćinstva | 30 bodova |
| 3. od 101 do 150 KM po članu porodičnog domaćinstva | 25 bodova |
| 4. od 151 do 200 KM po članu porodičnog domaćinstva | 20 bodova |
| 5. od 201 do 250 KM po članu porodičnog domaćinstva | 15 bodova |
| 6. od 251 KM do 300 KM po članu porodičnog domaćinstva | 10 bodova |
| 7. od 301 do 351 KM po članu porodičnog domaćinstva | 05 bodova |
| 8. preko 351 KM | 00 bodova |

SOCIJALNI STATUS

- | | |
|-------------------------------|-----------|
| 1. djeca bez oba roditelja | 20 bodova |
| 2. djeca bez jednog roditelja | 10 bodova |

Član 7.

Kod ostvarenog istog broja bodova prilikom bodovanja po svim navedenim kriterijima prednost će imati kandidati kako slijedi:

1. djeca iz porodica šehida i poginulih boraca;
2. studenti RVI, odnosno učenici i studenti iz porodica RVI sa većim procentom invalidnosti;
3. djeca dobitnika najvećeg ratnog priznanja značke "Zlatni ljiljan"
4. studenti - pripadnici OS BiH ili studenti i učenici iz porodica pripadnika OS BiH u periodu 1992-1995.godina a prema dužini staža provedenog u Armiji BiH, HVO i Policiji;
5. učenici-studenti iz porodice civilnih invalida sa većim procentom invalidnosti i učenici-studenti civilni invalidi sa većim procentom invalidnosti

Pravo na stipendiju prema ovim kriterijama u okviru iste porodice može ostvariti samo jedan član a prema visini ostvarenih bodova po ovom kriteriju.

Član 8.

Organizacijama i udruženjima sa područja Općine Lukavac, nakon raspisivanja javnog konkursa, provedene procedure po sopstvenim kriterijima istih, te dostavljanja konačnih prijedloga kandidata, odobrit će se sredstva za stipendiranje kako slijedi:

- Organizacija RVI općine Lukavac, 4 učeničke i 4 studentske stipendije (redovni ili studij za vlastite potrebe);
- Udruženju PŠiPB općine Lukavac, 4 učeničke i 4 studentske stipendije (redovni ili studij za vlastite potrebe);
- Organizacija demobilisanih boraca općine Lukavac, 4 učeničke i 4 studentske stipendije (redovni ili studij za vlastite potrebe);
- Udruženjima Roma, 4 učeničke stipendije (dva Udruženja po dvije stipendije);
- Udruženju roditelja djece sa posebnim potrebama, 4 učeničke stipendije

Općinskom Načelniku ostavlja se mogućnost da dodijeli 5 učeničkih i 5 studentskih stipendija (redovni ili studij za vlastite potrebe) učenicima i studentima koji zbog materijalnih prilika ne mogu nastaviti školovanje.

Član 9.

Proceduru po raspisanom konkursu iz člana 2. ove Odluke provodi Komisija za dodjele stipendija (u daljem tekstu:Komisija) koju imenuje općinski Načelnik.

Član 10.

Nakon provedenog postupka za utvrđivanje prava na dodjelu stipendija, Komisija će utvrditi rang listu kandidata prema broju osvojenih bodova.

Rang lista će biti objavljena na oglasnoj ploči organa državne službe.

Na rang listu se može izjaviti prigovor Komisiji, u roku od 8 (osam) dana od dana objavljivanja rang liste.

Član 11.

Odluku o dodjeli stipendija po prijedlogu Komisije donosi općinski Načelnik i ona je konačna.

Član 12.

Za izvršenje ove Odluke zadužuju se Služba za opću upravu, privredu i društvene djelatnosti i Služba za budžet i finansije..

Član 13.

Ova Odluka stupa na snagu danom objavljivanja, a objavit će se u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-314/09

Lukavac, 03.03.2009. godine

Na osnovu članova 32. stav 1. tačka 3. i 104. Statuta Općine Lukavac-Prečišćeni tekst („Službeni glasnik općine Lukavac“, broj: 5/08), a u vezi sa članovima 13. i 18. Zakona o prostornom uređenju („Službene novine TK-a“, broj: 3/05) i članom 11. stav 1. tačka 4. alineja 3. Odluke o provođenju Prostornog plana za područje Tuzlanskog kantona za period 2005.-2025. godine („Službene novine TK-a“, broj: 9/06), Općinsko vijeće općine Lukavac, na 6. redovnoj sjednici održanoj dana 27.02.2009. godine, donijelo je

ODLUKU

o izmjeni i dopuni Odluke o sprovođenju Regulacionog plana Industrijske zone Lukavac sa Programom uređenja

Član 1.

U Odluci o sprovođenju Regulacionog plana Industrijske zone Lukavac sa Programom uređenja („Službeni glasnik općine Lukavac“, broj: 7/07 i 7/08), (u daljem tekstu: Odluka), iza člana 16., dodaje se novi podnaslov i glasi: „11. nasipanje terena i skidanje plodnog tla“.

Član 2.

U članu 19. Odluke, iza stava 4., dodaju se novi stavovi 5. i 6. i glase: „južna građevinska linija (lice objekta od magistralnog puta M4) i sjeverna građevinska linija, utvrđena u Sinteznoj karti grafičkog dijela Regulacionog plana Industrijske zone Lukavac, ne može se mijenjati i mora biti udaljena od regulacione linije:

- za 18,50 m (sjeverna građevinska linija) i za 18,50 m (južna građevinska linija) za građevinske objekte locirane na parcelama označenim kao k.č. broj: 65/13, 65/12, 65/11, 65/10, 65/9, 65/8 i 65/7 (prvi red od magistralnog puta M4);
- za 18,50 m (sjeverna građevinska linija) i za 18,50 m (južna građevinska linija) za građevinske objekte locirane na parcelama označenim kao k.č. broj: 65/14, 65/15, 65/16, 65/17, 65/18, 65/19 i 65/5 (drugi red od magistralnog puta M4);
- za 5,50 m (sjeverna građevinska linija) i za 14,50 m (južna građevinska linija) za građevinske objekte locirane na parcelama označenim kao k.č. broj: 65/25, 65/24, 65/23, 65/22, 65/21 i 65/20 (treći red od magistralnog puta M4);

Bočne građevinske linije, utvrđene u Sinteznoj karti grafičkog dijela Regulacionog plana Industrijske zone Lukavac, mogu se mijenjati uz uslov da najistureniji dio objekta mora biti udaljen od bočne regulacione linije najmanje 4,00 m i uslov da površina osnove pojedinog objekta mora biti najmanje 1.000,00 m², odnosno da površina osnove objekta prema odgovarajućoj površini građevinske parcele može biti najviše 60%:40% u korist osnove građevinskog objekta.“

Dosadašnji stav 5. člana 19. Odluke postaje stav 7.

Član 3.

Mijenja se član 20. Odluke i glasi:

„Koeficijent izgrađenosti parcela, odnosno odnos površine osnove objekta prema odgovarajućoj površini građevinske parcele može biti najviše 60%:40% u korist osnove građevinskog objekta, poštujući građevinske linije iz prethodnog člana ove Odluke.

Ukoliko jedan investitor pribavi dvije ili više građevinskih parcela koje međusobno graniče, nadležna Općinska služba može dozvoliti investitoru spajanje građevinskih parcela i gradnju objekata u nizu pod uslovom iz stava 1. ovog člana, da odnos izgrađenog i neizgrađenog zemljišta bude najviše 60:40% u korist izgrađenog građevinskog zemljišta.

Odredbe prethodnog stava odnose se i na ugovor o zajedničkom ulaganju dva ili više investitora, odnosno vlasnika građevinskih parcela koje međusobno graniče“.

Član 4.

U članovima 31. i 38. Odluke, u zadnjem redu u zagradi, iza riječi „broj:“ briše se tekst: „20.02.2004. godine“ i umjesto njega piše broj: „10/04“.

Član 5.

Ova Odluka stupa na snagu prvog dana od dana objave u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-257/09

Datum, 12.02.2009.godine

Na osnovu člana 105. Statuta općine Lukavac – prečišćeni tekst („Službeni glasnik općine Lukavac“, broj 05/08) Općinsko vijeće Lukavac na 6. redovnoj sjednici održanoj dana 27.02.2009. godine, donijelo je

**IZMJENE I DOPUNE
ETIČKOG KODEKSA IZABRANIH ZVANIČNIKA OPĆINE LUKAVAC**

Član 1.

U članu 20. Etičkog kodeksa izabranih zvaničnika općine Lukavac („Službeni glasnik općine Lukavac“, broj: 8/05) mijenja se stav 2 i glasi:

”Etički odbor broji 7 članova, od toga 5 predstavnika Općinskog vijeća i 2 ugledna građanina.

U istom članu dodaje se stav 4 koji glasi:

”Članovi Etičkog odbora, za svoj rad, imaju pravo na naknadu u skladu sa Odlukom Općinskog vijeća koja reguliše visinu vijećničkog paušala i drugih naknada.

Član 2.

Izmjene i dopune Etičkog kodeksa stupaju na snagu danom objavljivanja u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-254/09

Datum, 12.02.2009.godine

Na osnovu člana 32. stav 1 tačka 16. Statuta općine Lukavac – prečišćeni tekst („Službeni glasnik općine Lukavac“, broj: 05/08) i člana 157. Poslovnika o radu Općinskog vijeća Lukavac („Službeni glasnik općine Lukavac“, broj: 05/06) Općinsko vijeće Lukavac na 6. redovnoj sjednici održanoj dana 27.02.2009. godine, donijelo je

IZMJENE I DOPUNE POSLOVNIKA O RADU OPĆINSKOG VIJEĆA LUKAVAC

Član 1.

U članu 18. u alineji 2 Poslovnika o radu Općinskog vijeća Lukavac („Službeni glasnik općine Lukavac“, broj: 05/06) iza riječi „vijeću“ briše se „zarež“ i dodaje tekst koji glasi:

”i vijećnik političke partije koja nema Klub vijećnika”

Član 2.

Izmjene i dopune Poslovnika stupaju na snagu danom objavljivanja u „Službenom glasniku općine Lukavac“.

*PREDSJEDAVAJUĆI
OPĆINSKOG VIJEĆA*

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-475-27/90
Lukavac, 03.03.2009. godine

Na osnovu člana 264. i 265. Zakona o upravnom postupku F BiH („Službene novine F BiH“, broj: 2/98 i 48/99) i člana 105. Statuta općine Lukavac –prečišćeni tekst („Službeni glasnik općine Lukavac“, broj: 5/08), Općinsko vijeće na 6. redovnoj sjednici održanoj dana 27.02.2009. godine donijelo je

R J E Š E N J E

Odbija se zahtjev Osmić (Velije) Mehmedalije iz Puračića zastupanog po punomoćniku Jusić Muhamedu advokatu iz Tuzle za proglašavanje ništavim rješenja Skupštine opštine Lukavac broj: 05/5-475-27/09 od 21.06.1990. godine.

Obrazloženje

Osmić (Velije) Mehmedalija iz Puračića zastupan po punomoćniku Jusić Muhamedu advokatu iz Tuzle podnio je putem Službe za urbanizam, prostorno planiranje, geodetske i imovinsko pravne poslove Lukavac, zahtjev za oglašavanjem ništavim rješenja Skupštine opštine Lukavac broj: 05/5-475-27/09 od 21.06.1990. godine, kojim je Osmić (Velije) Nurići iz Puračića utvrđeno pravo trajnog korištenja na građevinskom zemljištu u društvenoj svojini na kome je izgrađena zgrada bez prava korištenja radi građenja. Kao razlog oglašavanja predmetnog rješenja ništavim je navedena odredba člana 264. stav 5 Zakona o upravnom postupku.

Skupština opštine Lukavac, na zajedničkoj sjednici Vijeća udruženog rada, Vijeća mjesnih zajednica i Društveno-političkog vijeća održana dana 21.06.1990. godine, je na osnovu člana 16. Zakona o izmjenama i dopunama Zakona o građevinskom zemljištu („Sl.list SR BiH“, broj: 1/90) i člana 291. Stauta opštine Lukavac („Službeni glasnik opštine Lukavac“, broj: 48/82, 10/83, 8/84, i 12/88) donijela je rješenje broj: 05/5-475-27/90 kojim se utvrđuje trajno pravo korištenja na građevinskom zemljištu u društvenoj svojini na kome je izgrađena stambena zgrada (bez prava korištenja zemljišta radi građenja) u korist graditelja Osmić (Velije) Nurije iz Puračića na zemljištu označenom kao k.č. br. 318 Utrina kuća i zgrada 31 m² upisana u pl.br. 710 k.o. Puračić, a po starom premjeru označena kao k.č. br. 2062/11 upisano u zk.ul. br. 3260 k.o. Puračić. U stavu II predmetnog rješenja je određena naknada za trajno pravo korištenja zemljišta.

Odredbom člana 264. stav 5. Zakona o upravnom postupku, na kojoj podnosilac zahtjeva temelji svoj zahtjev, propisano je da je ništavo rješenje koje sadrži nepravilnost koja je po nekoj izričitoj odredbi predviđena kao razlog ništavosti.

Skupština opštine je donijela predmetno rješenje na osnovu zahtjeva stranke i člana 16. Zakona o izmjenama i dopunama Zakona o građevinskom zemljištu („Sl.list SR BiH“, broj: 1/90), koji je propisivao da „na građevinskom zemljištu u društvenoj svojini na kome je izgrađena zgrada bez prava korištenja zemljišta radi građenje za koje se može naknadno izdati odobrenje za građenje po odredbama Zakona o prostornom uređenju, Skupština opštine će utvrditi trajno pravo korištenja

zemljišta u korist graditelja uz obavezu plaćanja naknade za dodjeljeno građevinsko zemljište na korištenje i za uređenje građevinskog zemljišta”.

Imajući u vidu sve gore izloženo, utvrđeno je da je predmetno rješenje doneseno u skladu sa važećim zakonskim propisima, da u sebi ne sadrži nepravilnost koja je po nekoj izričitoj zakonskoj odredbi predviđena kao razlog ništavosti shodno članu 264. stav 5. zakona o upravnom postupku odnosno da predmetno rješenje ne sadrži ni jedan razlog ništavosti koji su predviđeni u članu 264. stav 1., 2., 3., i 4. Zakona o upravnom postupku.

Na osnovu gore izloženog, a shodno članu 264. i 265. Zakona o upravnom postupku odlučeno je kao u dispozitivu rješenja.

Pouka o pravnom lijeku

Protiv ovog rješenja ne može se uložiti žalba, ali se može pokrenuti upravni spor kod Kantonalnog suda Tuzla u roku od 30 dana od dana prijema ovog rješenja.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko načelnik*

Na osnovu člana 47. Zakona o javnim nabavkama Bosne i Hercegovine («Službeni glasnik BiH», broj:49/04, 19/05, 52/05, 8/06, 24/06 i 70/06) i člana 109. Statuta općine Lukavac-prečišćeni tekst ("Službeni glasnik općine Lukavac", broj: 5/08) Općinski načelnik donosi

P R A V I L N I K O POSTUPKU DIREKTNOG SPORAZUMIJEVANJA SA POJEDINAČNIM DOBAVLJAČEM, DAVAOCEM USLUGA I IZVOĐAČEM RADOVA

I – OPĆE ODREDBE

Član 1. (Sadržaj pravilnika)

Ovim Pravilnikom definiše se postupak direktnog sporazuma u kojem Općinski načelnik (u daljem tekstu: ugovorni organ) prikuplja prijedloge cijene ili ponudu od pojedinačnog dobavljača, davaoca usluga i izvođača radova (u daljem tekstu: ponuđač) pregovara ili prihvata cijenu kao uslov za konačan sporazum.

II – DODIJELA UGOVORA ISPOD DOMAĆIH VRIJEDNOSNIH RAZREDA

Član 2. (Mini domaći vrijednosni razredi)

Ugovor za nabavku roba čija vrijednost ne prelazi 6.000,00 KM smatra se u smislu odredaba ovog Pravilnika vrijednost ugovora ispod domaćih vrijednosnih razreda (u daljem tekstu: mini domaći vrijednosni razred).

Mini domaći vrijednosni razred čini vrijednost koja ne prelazi iznos od 6.000,00 KM, u koju ne ulazi pripadajući indirektni porez, koji plaća ugovorni organ za predmet ugovora.

Član 3. (Dodjela ugovora za mini domaći vrijednosni razred)

Ugovorni organ ne može dijeliti predmet ugovora sa namjerom da se izbjegne primjena nabavnih postupaka utvrđenih Zakonom (član10).

Ugovorni organ može koristiti metod i postupak mini domaćeg vrijednosnog razreda, s tim da pojedinačni ugovor ne prelazi iznos od 6.000,00 KM, i da ukupna godišnja vrijednost takvih ugovora ne prelazi 10% ukupnog godišnjeg plana – budžeta predviđenog za javne nabavke.

Član 4.

Procjenjivanje vrijednosti ugovora ugovorni organ vrši na osnovu ukupne vrijednosti koja ne uključuje indirektno poreze, jednako je ukupnom iznosu neto naknade, a ukoliko su roba, usluge ili radovi podijeljeni na lotove, od kojih je svaki lot predmet posebnog ugovora za određivanje vrijednosnog razreda, koristi se ukupna vrijednost svih lotova.

Vrijednost ugovora procjenjuje se u vrijeme objavljivanja obavještenja o nabavci, odnosno u trenutku započinjanja postupka dodijele ugovora (ukoliko ne postoji obaveza obavještanja).

Kada se vrijednost ugovora procjenjuje na cijenama iz prethodnih sličnih nabavki ili iz istraživanja tržišta, odnosno dobavljačevog kataloga, procjena je važeća u momentu kada se zatraži prijedlog cijena ili ponuda od jednog dobavljača.

Član 5.

(Postupak za mini domaći vrijednosni razred)

U postupku donošenja odluke o dodjeli ugovora na osnovu direktnog sporazuma nakon što primi ponudu ugovorni organ može prihvatiti ponudu ili nastaviti dalje istraživanje tržišta ukoliko ponuda nije prihvatljiva.

Član 6.

(Prihvatanje predložene ili dogovorene cijene i rok za zaključivanje direktnog sporazuma)

Dogovorena ili prihvaćena cijena ponuđene robe, radova ili usluga ne može biti viša od odgovarajuće tržišne cijene.

Član 7.

Zavisno od vrijednosti nabavke koristi se i odgovarajuća dokumentacija ili akt kao znak da je direktni sporazum zaključen.

Vrijednost nabavke je klasificirana prema slijedećim novčanim iznosima:

- do 100,00 KM,
- od 100,00 KM do 3.000,00 KM
- od 3.000,00 KM do 6.000,00 KM.

Član 8.

Za nabavke čija je vrijednost do 100,00 KM direktni sporazum je zaključen kada se uz odluku o nabavci priloži ovjeren original račun, paragon blok ili drugo zakonsko sredstvo plaćanja.

Za nabavke od 100,00 do 3.000,00 KM ugovorni odnos nastupa kada se izda narudžbenica i na osnovu nje primi original račun, faktura ili drugo zakonsko sredstvo plaćanja.

Za nabavke čija je vrijednost od 3.000,00 do 6.000,00 KM zaključuje se ugovor.

Mjesto zaključenja ugovora je sjedište ugovornog organa u trenutku kada je učinjena ponuda.

Član 9.

(Niži domaći vrijednosni razred)

Kada je vrijednost ugovora veća od 6.000,00 KM, a manja od 50.000,00 KM za nabavku roba ili obavljanje usluga i od 80.000,00 KM za izvođenje radova (u daljem tekstu: niži domaći vrijednosni razred) primjenjuju se odredbe člana 11. stav 4. pod a), b) c), i d) i odredbe člana 46. stav 1. Zakona o javnim nabavkama Bosne i Hercegovine.

Član 10.

(Stupanje na snagu Pravilnika)

Donošenjem ovog Pravilnika prestaje primjena odredbi Pravilnika o postupku direktnog sporazumijevanja sa pojedinačnim dobavljačem, davaocem usluga i zvođačem radova broj : 02-02-2-1933/06 od 07.09.2006. godine koje su utvrđivale provođenje direktnog sporazuma do donošenja ovog Pravilnika.

Ovaj Pravilnik stupa na snagu danom donošenja, a objavit će se u Službenom glasniku općine Lukavac.

Broj: 02-02-2-320/09
Lukavac, 26.02.2009.

OPĆINSKI NAČELNIK
Dževad Mujkić, dipl.prav. s.r.



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko načelnik*

Na osnovu člana 1. Zakona o javnim nabavkama Bosne i Hercegovine ("Sl. Glasnik BiH", br. 49/04, 19/05, 52/05, 8/06, 24/06, 70/06 i 12/09) i člana 109. Statuta općine Lukavac –prečišćeni tekst („Sl. glasnik općine Lukavac“, br. 5/08) općinski načelnik općine Lukavac donosi

PRAVILNIK O IZMJENAMA PRAVILNIKA O NABAVCI ROBA, VRŠENJU USLUGA I USTUPANJU RADOVA

Član 1.

U Pravilniku o nabavci roba, vršenju usluga i ustupanju radova broj:02-02-2-2773/05 od 27.10.2005. godine (u daljem tekstu:Pravilnik) u članu 9. u stavu 1. broj "30.000,00" zamjenjuje se brojem "50.000,00" i broj "60.000,00" zamjenjuje se brojem "80.000,00".

Član 2.

U članu 34. Pravilnika u stavu 1. broj "3.000,00" zamjenjuje se brojem "6.000,00".

Član 3.

Ovaj Pravilnik stupa na snagu narednog dana od dana donošenja, a objavit će se u „Službenom glasniku općine Lukavac“.

Broj: 02-02-2-387/09
Lukavac, 11.03.2009.godine

OPĆINSKI NAČELNIK
Dževad Mujkić, dipl. prav.

SLUŽBENI GLASNIK OPĆINE
L U K A V A C

Broj:2/09

Izdaje: Općina Lukavac

Uređuje: Stručna služba Općinskog vijeća

Urednik: Sekretar Općinskog vijeća Izeta Bajrić

Tiraž: 75 primjeraka

Adresa: Općina Lukavac, Općinsko vijeće

Telefon – fax: 553-253

Službeni glasnik izdaje se po potrebi